



Province of the  
**EASTERN CAPE**  
EDUCATION

**NATIONAL  
SENIOR CERTIFICATE**

**KEREITI YA 12**

**LOETSE 2017**

**SESOTHO PUO YA LAPENG – PAMPIRI YA 3  
MEMORANTAMO**

**MATSHWAO: 100**

---

Memorantamo ena e na le maqephe a 12.

---

**KAROLO YA A: MOQOQO****POTSO YA 1****1.1 KATLEHO E FUMANEHA KA MORA HO SEBETSA KA THATA**

Moqoqo wa tthaloso (Descriptive)

- Moqoqong ona ho hlalosa ho hong ho itseng.
- Mohlahlobuwa o lebelletswe ho hlalosa ka mokgwa oo mmadi a tla lemoha hantle se hlalolang.
- Dintlha tse ka hlahellang hara tse ding e ka ba tse latelang:
  - Mohlahlobuwa a qale ka ho hlahisa kutlwisiso ya hae ka katleho, hore o bonwa jwang motho ya atlehileng.
  - a hlahise dintlha tse kang ho ba le boitshwaro bo botle, le ho ba le tjhebelopele ka bokamoso.
  - a bontshe hore thuto ya lapeng ke motheo wa thuto ya sekolong.
  - a ka fana ka mehlala ya ho sebetsa ka thata esita le tsona dikatleho.
  - a bontshe hore katleho e fumaneha ka boikemisetso e seng haholo ka ho tswalla lelapeng le ruileng.

**[50]**

**1.2 HA NKA BA MOAHLODI WA LEKGOTLA LE PHAHAMENG LA DINYEWE**

Moqoqo o tebisang maikutlo (Reflective)

- Moqoqong ona mohlahlobuwa o bontsha boimamelo ka se seng seo a se nahanisisang.
- O fana ka maikutlo a hae hodima ntlha eo a imameletseng yona.
- Dikahare tse lebelletsweng di ka kenyelletsa tsena tse latelang:
  - mohlahlobuwa a bontshe kutlwisiso ya hae ya leruo le temo.
  - a bontshe hore ho rua diphoofole le ho lema dijalo ho na le melemo e kang lebeso, nama, makoko esita le dijothollo. a bontshe hore morui kapa molemi ha a reke bakeng sa mafu, mekete le meetlo.
  - bana ba hola ba rutwa boikarabelo ba ho lema, ho disa le setso.
  - bana ba ka qetella ba ithutetse/latetse lekala la Temo, ba be ba fane ka mesebetsi.
  - a fane ka dipoelomora tse bakwang ke maemo a fetofetohang a lehodimo jk komello, dikgohola, lehlwa.
  - a bontshe hore mashodu le ona a hlorisa barui le balemi.

**[50]**

**1.3 DIPHEPHETSO TSE TOBANENG LE BATJHA MATSATSING A KAJENO**

- Moqoqong ona ho hlalosa ho hong ho itseng.
- Mohlahlobuwa o lebelletswe ho hlalosa ka mokgwa oo mmadi a tla lemoha hantle se hlalolang.
- Dintlha tse ka hlahellang hara tse ding e ka ba tse latelang:
  - Mohlahlobuwa a hlalose kapa a totobatse diphephetso tseo a di bonang ka mehla.

- a hlalose a ntse a fana ka mehlala e kang malapa a se nang batswadi ka lebaka la mafu a kang phamokate. Banana ba imang ba le banyane, dithethefatsi tse jeleng setsi, maratano a bana le batho ba baholo, tlhokeho ya mesebetsi jj
- a ka bua ka seabo sa batjha diphephetsong tsena.
- a ka phethela ka dikeletso ho batjha ba naha ena.

[50]

1.4 **HO HOLELA METSENG YA MAHAENG HO LOKILE HO FETA HO HOLELA DITOROPONG. Dumellana kapa o hanane le sehlooho sena. Moqoqo wa kgang/ngangisano (Argumentative)**

- Moqoqong ona wa kgang, ntlhakemo ya mohlalobuwa kapa mohopolo o itseng o lokela ho hlahiswa ka dinako tsohle.
- Mohlahlobuwa o kgetha lehlakore, mme o tsepama dintlheng tse dumellanang kapa tse hanyetsanang le sehlooho.
- O lokela ho tshehetsa le ho sirelletsa mohopolo wa hae ka mokgwa o kgodisang.
- Dintlha tse ka hlahellang hara tse ding e ka ba tse latelang:
  - Mohlahlobuwa o lokela ho hlahisa mohopolo oo a o tshehetsang ho kgodisa mmadi hore ruri ho holela metseng ya mahaeng ho fela ho lokile ho feta ho holela sephethephetheng sa ditropong, kapa tjhe kgolo ya ditropong ke yona e lokileng.
- **Ba dumellanang le sehlooho sena ba ka hlahisa dintlha tse latelang:**
  - Bophelo ba mahaeng ha bo na kgahlamelo ya merabe e tswakaneng.
  - Mahaeng ha ho sephethephethe sa dipalangwang le me aho e teteaneng ka hoo le bonokwane ha bo yo.
  - Ka hara motse ho hahile ba leloko mme ngwana o kgalemelwa ka hohle, athe o hola a tseba le ba habo, meetlo, mekgwa le ditlwaelo.
  - Bana ba hola ba rutwa mesebetsi ya matsoho e hodisang kelello, e kwetlisang le mmele, esita le dipapadi le boithabiso di tlasa taolo.
  - Dijo ke tse kwenneng tse tswang masimong le dijareteng.
- **Ba hananang le sehlooho sena ba ka hlahisa dintlha tse latelang:**
  - Tikoloho ya ditropong e loketse bana ba mehleng ena, ntho yohle e haufi.
  - Ha ho kgethollo ya merabe, dikelello tsa bana di hola di phatlalletse di le tjhatsi.
  - Bana ba hola ka thekenoloji, dikolo di na le disebediswa tsa boleng bo hodimo le diyunivesithi di haufi.
  - Tikoloho ena e bula bana mahlo ka tsa bokamoso, kante ho mangolo a thuto e phahameng, dipapadi le mmimo di ka ba phedisa.

[50]

### 1.5 THEKENOLOJI E BEBOFADITSE BOPHELO EMPA E NTSE E NA LE MATHATA A YONA.

Moqoqo o sa tshehetseng lehlakore (Discursive)

- Mofuteng ona wa moqoqo mohlahlobuwa o sekaseka sehlooho- o tadima mahlakore a mabedi a sehlooho ka mokgwa o tshwanang, mme a a buelle ka bobedi.
- Moqoqo ona ha o nke lehlakore, mme sepheo sa ona ke ho nehelana ka maikutlo mahlakoreng ka bobedi a taba ka ho lekana.
- Mohlahlobuwa a lekole mahlakore ka bobedi a sehlooho, ebe o nehelana ka dintlha tsa hae, a sa tshehetse lehlakore lefe kapa lefe.
- Dikahare tse lebelletsweng di ka kenyelletsa tsena tse latelang:
  - **Ho bebofatsa bophelo ha thekenoloji:**
  - a hlalise kutlwisiso ya hae ya thekenoloji le mehlala ya disebediswa.
  - a bontshe mekgwa eo bophelo bo seng bo nolofetse ka yona jk maeto,
  - kgokahano, dibanka, boithabiso, ka malapeng jj
  - a fane ka melemo eo a e kgolang yena jwalo ka moithuti kapa motjha.
  - **Mathata a thekenoloji:**
  - a ka bua ka tshebediso e mpe ya diselefounu.
  - a ame mofuta wa boshodu ba ditjhelete, ba batho, ba dikoloi le tse ding.
  - a ka bontsha le ho fela ha lerato, batho ha ba sa etelana, le ka malapeng ha ho sa qoqwa ke diselefounu le ditheleleshene.

[50]

### 1.6 KA TLA KA KENA TSIETSING KE HO SE MAMELE DIKELETSO.

Moqoqo wa phetelo (Narrative)

- Moqoqong ona mohlahlobuwa o pheta pale a thatoloha ka tsela e kgolwehang le ha e le boqapi.
- A phete ditaba a di lokodisa hantle jwalo ka ha di ne di etswa ke yena di bile di mo kenya tsietsing.
- Dikahare tse lebelletsweng hara tse ding ke tsena tse latelang:
  - Mohlahlobuwa a ka qala ka ho re fa setshwantsho sa semelo sa hae.
  - a fane ka tse sa lokang tseo a neng a di etsa.
  - a hlalose motho kapa batho ba mo ratang ba neng ba mo eletsa kapa ba mo kgalema.
  - a re bopele setshwantsho sa boitshwaro kapa semelo sa hae se ileng sa hana dikeletso.
  - a nto pheta tsietsi eo a ileng a kena ho yona ka lebaka la ho se mamele dikeletso
  - a ka nna a phethela ka ho fana ka dikeletso.

[50]

**1.7 DITSHWANTSHO****1.7.1 Setshwantsho: Mofuta wa moqoqo ofe kapa ofe.**

- Moqoqong ona mohlalobuwa o boha setshwantsho, mme a hlalose kapa a phete ka seo a se bonang ka tsela e kgodisang e bileng e hlakisa ditaba hantle.
- Moqoqo ona o ka ngolwa ho tswa lehlakoreng lefe kapa lefe, ho latela moelelo o qholotswang ke setshwantsho maikutlong a hae.

**[50]****MATSHWAO OHLE A KAROLO YA A: 50**

## RUBURIKI YA HO LEKANYETSA MOQOQQO – SESOTHO PUO YA LAPENG [MATSHWAO A 50]

Makgetha a ho lekanyetsa		Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE LE MORALO</b>  (Tshekatsheko ya sehlooho) tlhophiso ya mehopollo le dintlha, kelohloko ya baamohedi ba ditaba, maikemisetsa le maemo  <b>MATSHWAO A 30</b>	Boemo bo hodimo	28–30 - Nehelano e bontshang kutlwisiso e babatsehang ya sehlooho e supang bokgoni bo ikgethang. - Mehopollo e bontsha boqhetseke, e phephetsa monahano mme ke e sutsitseng; - e hlophisitswe hantle ka tsela e ikgethang/babatsehang mme e momahane ka tshwanelo ho kenyeditswe selelekela, mmele le qetelo.	22–24 - Nehelano e ralehileng hantle haholo; - Mehopollo e tsamaellana le sehlooho ka botlalo, e a kgahlisa mme e na le bopaki ba mehopollo e sutsitseng; - e hlophisitswe hantle haholo ka tsela e ikgethang mme e momahane ka tshwanelo ho kenyeditswe selelekela, mmele le qetelo.	16–18 - Nehelano ke e kgotsofatsang ditlokoheho. - Mehopollo e momahane ka tsela e kgotsofatsang le e kgodisang. - e hlophisitswe ka tsela e utlwisisehang mme e momahane ka tshwanelo ho kenyeditswe selelekela, mmele le qetelo.	10–12 - Nehelano e momahane mona le mane. - Mehopollo ke e seng ya boiqapelo mme e sa hlakang. - Ho na le bopaki bo seng bokae ba tlhophiso le momahano ya mosebetsi.	4–6 - Nehelano e tswile lekoteng ho hang. - Mehopollo ke e sa tsepamang e dubakaneng. - Ha e utlwahale mme dintlha di a phetakakwa. - Ha e a hlophiswa ka tshwanelo le momahano ha e yo.
	Boemo bo tlase	25–27 - Nehelano e tswileng matsoho le ha e haellwa ke dintlha tse ikgethang tsa moqoqo o babatsehang - Mehopollo ke e sutsitseng mme e bontsha boqhetseke. - e hlophisitswe hantle ka tsela e bontshang bokgoni mme e momahane ka tshwanelo ho kenyeditswe selelekela, mmele le qetelo.	19–21 - Nehelano e radilweng hantle. - Mehopollo ke e loketseng mme e thahasellisang. - e hlophisitswe hantle ka tsela e ikgethang mme e momahane ka tshwanelo ho kenyeditswe selelekela, mmele le qetelo.	13–15 - Nehelano e a kgotsofatsa le ha e sa hlaka mona le mane. - Mehopollo e momahane le ho kgodisa ka tsela e mahareng; - ho na le tlhophiso le momahano e tseng ho kenyeditswe le selelekela, mmele le qetelo.	7–8 - Nehelano boholo e tswile lekoteng - Mehopollo ha e a momahana ka tshwanelo mme e a lahlehisa. - Nehelano ha e na bopaki ba tlhophiso le momahano.	0–3 - Boiteko ha bo yo ba ho arabela sehlooho. - Mehopollo e tswile lekoteng ka ho phethahala, ha e a nepahala. - nehelano ha e a tsepama sehloohong, mme e dubakane.
Makgetha a ho lekanyetsa		Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>PUO, SETAELE LE TOKISO YA DIPHOSO</b>  Sehalo, rejisetara, setaele, tlhotlontswa ke tse lokelang sepheo/ tshusumetso le maemo, kgetho ya mantswa, tshhebediso ya puo le tlwaelo, matshwao a ho bala le mopeleto  <b>MATSHWAO A 15</b>	Boemo bo hodimo	14–15 - Sehalo, rejisetara, setaele le, tlhotlontswa di loketse sepheo ka tsela e babatsehang, baamohedi ba ditaba mmoho le maemo; - tshhebediso ya hae ya puo e a ikgetha, mme e bontsha boitshupo ka tsela e tsothang - o sebedisitse sehalo se matla mme se susumetsang ka tsela e ikgethang. - o batla o hloka diphoso tsa puo le tsa mopeleto - o radilwe ka bokgoni bo tsothang.	11–12 - Sehalo, rejisetara, setaele le tlhotlontswa di loketse sepheo, baamohedi ba ditaba mmoho le maemo haholo. - tshhebediso ya puo e matla mme ho sebedisitswe sehalo se loketseng ka nako tsohle. - boholo ba mosebetsi ha o na diphoso tsa tshhebediso ya puo le mopeleto. - o radilwe hantle ka tshwanelo.	8–9 - Sehalo, rejisetara, setaele le tlhotlontswa di loketse sepheo, baamohedi ba ditaba mmoho le maemo. - tshhebediso ya puo ke e loketseng, mme e fetisa moelelo ka tshwanelo - puo ya bonono ke e loketseng mme e sebedisitswe ka tshwanelo. - O radilwe ka tsela e mahareng feela.	5–6 - Sehalo, rejisetara, setaele le tlhotlontswa ha di a lokela sepheo, baamohedi ba ditaba mmoho le maemo; - puo e sebedisitswe feela ka tsela ya motheo; - sehalo mmoho le moelelo o hlalishang ke tema ke tse sa okelang; - ho sebedisitswe tlhotlontswa ya motheo feela.	0–3 - Puo e sebedisitsweng ha se e utlwisisehang; - sehalo, rejisetara, setaele le tlhotlontswa ha di a lokela baamohedi ba ditaba, sepheo le maemo; - tshhebediso ya tlhotlontswa e haellang haholo hoo nehelano e sa utlwisisehang.
	Boemo bo tlase	13 - Tshhebediso ya puo ke e nepahetseng mme e susumetsang sehalo sa tema - e batla e hloka diphoso tsa puo le tsa mopeleto - e radilwe ka bokgoni bo tsothang	10 - Tshhebediso ya puo ke e sefutho mme e loketseng maemo. - sehalo ke se matla mme se loketseng. - ho na le diphoso tse seng kae tsa puo le tsa mopeleto. - e radilwe hantle.	7 - Tshhebediso ya puo ke e kgotsofatsang le ha ho na le ho sa tsamaellane mona le mane. - kakaretso sehalo ke se loketseng le ha puo ya bonono e le e haellang.	4 - Puo ke ya motheo feela mme e sebedisitswe ka tsela e haellang - popeho ya dipolelo ke e tshwanang e se nang motswako - tlhotlontswa e haella haholo feela.	
<b>SEBOPEHO</b>  Makgetha a tema: Popeho ya dipolelo le kgodiso ya diratswana le bolelele bo hlokehang  <b>MATSHWAO A 5</b>		5 - Kgodiso ya sehlooho ke e babatsehang - katoloso ya dintlha ke e ikgethang - dipolelo le diratswana di bopilwe ka tsela e ikgethang	4 - Dintlha ke tse loketseng mme tse hodisang sehlooho. - momahano e bopilweng ke e supang bokgoni. - dipolelo le diratswana di loketse nehelano. mme di papafanngwa ka tshwanelo.	3 - Dintlha tse loketseng di hodisa sehlooho ka tsela e mahareng. - dipolelo le diratswana di bopilwe ka tsela e mahareng. - moqoqo o ntse o hlalisha moelelo.	2 - Tse ding tsa dintlha ke tse utlwalang. - dipolelo le diratswana di na le diphoso. - Moqoqo o a utlwisiseha le ha o le diphoso.	0–1 - Dintlha tsa bohlokwa di a haella. - dipolelo le diratswana tse hlalishitsweng ke tse fosahetseng. - moqoqo ha o na moelelo o lebelletsweng.
	<b>MATSHWAO</b>	40–50	30–39	20–29	10–19	0–9

## KAROLO YA A: MOQOQO

**MATSHWAO A SEBEDISWANG HO BONTSHA DIPHOSO HA HO TSHWAUWA MOQOQO  
 SENOTLOLO SA HO TSHWAYA:  
 SEKALA SA HO TSHWAYA MOQOQO  
 MATSHWAO: [50]**

Makgetha a Tekanyetso	Matshwao	Senotlolo/dikgutsufatso
Dikahare le Moralo	30	DM =
Puo, Setaele le Tokiso ya diphoso	15	PST =
Sebopeho	5	Seb =
<b>Matshwao ohle</b>	<b>50</b>	

## Ditaelo ho motshwayi:

- Mohlahlobuwa o lokela ho ngola ka sehlooho se le SENG feela karolong ya A.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
  - Mohlahlobuwa a Abelwe matshwao bakeng sa dikahare ho ya ka kgato ya pele feela.
  - Mohlahlobuwa a Abelwe matshwao a tshebediso ya puo ho fella kगतong ya pele feela.
  - Mohlahlobuwa a Abelwe matshwao a sebopeho ho fella kगतong ya pele feela.

Tataiso bakeng sa ho tshwaya ditema

Batshwai ba etse tse latelang ha ba tshwaya:

Ho sehellwe lentswe kapa polelo e fosahetseng mola ho be ho bontshwe mofuta wa phoso ka hodima lentswe/polelo ka tshebediso ya matshwao a latelang:

- / bakeng sa ho arola mantswa a ngotsweng a kopantswe empa a lokela ho arohana;
- -,+ bakeng sa ho kopanya mantswa a arohantsweng empa a ngolwa a kopane;
- **Mn** bakeng sa mongolo (orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotswa letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng/e sa amoheleng kapa eo e seng ya setlwaedi;
- ^ bakeng sa lentswe kapa karolwana ya lentswe le/e siilweng pakeng tsa mantswa a mang;
- // bakeng sa ho qala seratswana se setjha/ho arola diratswana

## KAROLO YA B: DITEMA TSA KGOKAHANANO

### POTSO YA 2

#### 2.1 PUO

- Puo ke tema e reretsweng ho mamelwa mohla monene.
- Puo e lokela ho ba le selelekela, mmele le qetelo.
- Selelekela e be se hohelang, moo a fanang ka mabaka a hore ke hobaneng a nehelana ka puo eo.
- Mmele o fupare boholo ba dintlha tsa hae tsa ho kgothalletsa batjha ho ithuta.
- Qetello e be e matla, mme e be e akaretsang puo ya hae.
- Dikahare tse lebelletsweng e ka ba tsena tse latelang:
  - sebui se lebohe ho fumantshwa monyetla wa ho etsa puo.
  - ho utlwahale sepheo sa ho fana ka puo.
  - ho kgothalletsa batjha ba kajeno ho hlompha boitelo ba batjha ba 1976.
  - ho kgothalletsa batjha ho tsepamisetsa dikelello tsa bona thutong.
  - ho kgalema diketso tse tswileng tseleng tse kang tshebediso ya dithethefatsi.
  - ho hlokomedisa batjha ho hlompha letsatsi la batjha la la 16 Phupjane leo ka lona batjha ba bang ba kang Hector Peterson ba neng ba bolawe.
  - a ka phethela ka ho hlokomedisa batjha hore ke thuto feela e tla ba etsa baetapele ba ka moso, a nto leboha ba mo fileng monyetla wa ho etsa puo.

[25]

#### 2.2 LENGOLO LA SEMMUSO

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, e nto latelwa ke letsatsi, kgwedi, selemo.
- Aterese ya ya ngollwang e ngolwa ka letsohong le letshehadi. E qala ka maemo a tshebetso a ya ngollwang ebe ho latela aterese ya hae ka botlalo.
- Tlase aterese ho ngolwa tumedisano (Monghadi/Mofumahadi/Mofumahatsana)
- Tlase tumedisano ho ngolwa mola wa sehlooho – o totobatsang sepheo sa lengolo, e nto ba selelekela.
- Qetelo ke ya semmuso, mme e ngolwa e le 'Ka botshepehi', 'Ka boikokobetso' jj
- Ya ngolang o ngola lebitso le fane ka mora qetelo, ebe o a saena.
- Dikahare tse ka lebellwang e ka ba tsena tse latelang:
  - sepheo sa mohlalobuwa se totobale – ho thoholetsa bahlophisi ba
  - mananeo ka puo e sa hlohlontsheng ditsebe.
  - a hlalise le makgabane a mang a hohelang bamamedi.

[25]



- a ka qolla mehlala ya mananeo a ratwang a haswang ka puo e monate.
- a ka bua le ka dibohodi tse hasang mananeo ao ka bokgabane. [25]

### 2.3 TLALEHO/RAPOROTO

- Lokodisa dintlha tsa sebopeho:
  - motho kapa batho bao raporoto e lebisitseng ho bona;
  - sehlooho sa raporoto;
  - letsatsi kapa mohla wa ketsahalo;
  - ditaba kapa dintlha tseo ho tlalehwang mabapi le tsona;
  - tlaleho/pehelo e etswa ke mang;
  - mokgwa wa tshebetso – diphumano le diqeto, ditlhahiso/ditshisinyo;
  - mohla le sekenetjhara;
- Dikahare tse lebelletsweng e ka ba tsena tse latelang:
  - ho fuputsa ka botlalo taba eo o shebaneng le yona e leng ho kgetheha ha lehlwa.
  - ho bokella tlhahisoleseding e hlokaahalang e kang ho kwaleha ha ditsela,
  - ho kgineha ha dikoloi, dikotsi tsa mebileng jj
  - ho sekaseka tlhahisoleseding eo o e bokelletsweng jk thuso e potlakileng.
  - ho etsa ditlhahiso le dikgothalletso. [25]

### 2.4 OBITJHUARI / NALANE YA MOFU

- Ke mofuta wa tema e ngolwang ka ditaba tsa motho ya hlokaletseng.
- Ho lebellehile dintlha tse latelang:
  - mofu o hlahile neng – letsatsi, kgwedi le selemo;
  - mofu ke mang, batswadi ke bomang, ke ngwana wa bokae lapeng labo;
  - O hlahetse kae (lebitso la sebaka e seng sepetlele);
  - kgolo ya mofu – o kene sekolo kae ho tloha poraemari ho ya mangolong a thuto e phahameng;
  - O sebeditse kae, maemo a mosebetsing le dikatleho tsa hae;
  - tsa lenyalo
  - sesosa sa lefu le bao a ba siyang;
  - seboko sa mofu. [25]

### 2.5 INTHAVIU

- Ona ke mofuta wa puisano e ikgethang pakeng tsa batho ba babedi kapa ho feta. E mong o botsa dipotso mabapi le ntlha e itseng, mme e mong o araba dipotso tseo.
- Dikahare tse lebelletsweng e ka ba tsena tse latelang:
  - dipotso tse hlophisitsweng ka bokgeleke;
  - dipotso tse qophellang ka sepheo sa ho qholotsa dikarabo;
  - lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi;

- selelekeleng mmotsi o nehelana ka tlhahisoleseding e amanang le sepheo sa puisano;
- mmeleng mmotsi o botsa mmotsuwa dipotso tse itshetlehileng
- sehloohong se itseng, mme mmotsuwa o araba dipotso tsena;
- dipotso di ka nyalana le dikarabo tse hlahisitsweng pejana, mme dikarabo tsohle di tobe dipotso, mme di tshehetswe ka dintlha;
- sehalo e be se lokelang kopano ena, mme puo e be ya semmuso;
- o se ke wa sebedisa puo ya seterateng.

[25]

## 2.6 ATIKELE E YANG KORANTENG

- Ena ke tema e ngollwang dikoranta ho fana ka tlhahisoleseding mabapi le taba e itseng. E ba le sehlooho se hohelang mahlo a mmadi.
- Lebitso la moqolotsi wa ditaba le ngolwa ka ditlhaku tse kgolo.
- E ngolwa e arotswe ka dikholomo ka diratswana tse kgutshwanyane.
- Sehalo se hloke tshekamelo.
- E ngolwa ho hlaha lehlakoreng la mmuuwa.
- Seratswana sa selelekela se tsebisa mmadi dintlha tse kang ho etsahala eng, hokae, neng hobaneng le hore tsohle di tla latela jwang.
- Tshebediso ya mabitso a batho e eketsa bonnete ba ditaba tseo ho ngolwang ka tsona.
- Dikahare tse lebelletsweng e ka ba tsena tse latelang:
  - lebaka la ho hlokomedisa batho ka kotsi ya monono maphelong a bona
  - ditshitiso kapa mafu ao moeletsu a seng a a bone;
  - a fane ka mekgwa ya ho qoba kapa ho fokotsa monono
  - a hlakise ka botlalo sebaka moo thuso e fumanehang teng;

**[Ha mohlalobuwa a ngotse ka sebopeho sa diratswana feela a sa ngola ka dikholomo, a se fumantshwe kotlo empa sehlooho, selelekela le diratswana di hlake hantle]**

[25]

**MATSHWAO OHLE A KAROLO YA B (25 x 2): 50**  
**MATSHWAO OHLE: 100**

## RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho lekanyetsa	Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE, MORALO LE SEBOPEHO</b>  Tshekatsheko ya sehlooho le mehopollo Tlhophiso ya mehopollo Kelohlolo ya maikemisetso, baamohedi ba ditaba, le maemo  <b>MATSHWAO A 15</b>	<b>13–15</b>  - Nehelano e babatsehang ya sehlooho e supang bokgoni bo ikgethang. - Mehopollo e matla e butswitseng. - Tsebo e batsi ya makgetha a mofuta ona wa tema. - Nehelano ha e kgere e tsepame sehloohong - Mehopollo le dikahare ke tse momahaneng, tse hlahositsweng ka botebo, mme dintlha di tshheheta sehlooho. - Sebopeho ke se loketseng se nang le diphoso tse mmalwa.	<b>10–12</b>  - Nehelano e ntle haholo e bontshang tsebo e ntle ya makgetha a mofuta ona wa tema. - Nehelano ha e kgere e tsepame sehloohong - Mehopollo le dikahare ke tse momahaneng, tse hlahositsweng ka botebo, mme dintlha di tshheheta sehlooho. - Sebopeho ke se loketseng se nang le diphoso tse mmalwa.	<b>7–9</b>  - Nehelano e lekaneng e bontshang tsebo ya makgetha a mofuta ona wa tema. - Nehelano ha e a tsepama sehloohong ka ho phethahala ho na le ho kgera ho itseng. - Mehopollo le dikahare di na le momahano e amohelhang. - Ke dintlha tse itseng feela tse tshhehetsang sehlooho. - Ka kakaretso sebopeho ke se loketseng empa se nang le diphoso tse itseng.	<b>4–6</b>  - Nehelano ya motheo e bontshang tsebo ya makgetha a itseng feela a mofuta ona wa tema. - Nehelano e na le tsepamo e itseng feela sehloohong empa e a kgera. - Mehopollo le dikahare ha se ka mehla di momahaneng. - Sehlooho se tshhehetswa ke dintlha tse itseng feela. - Sebopeho se fofo feela, mme se na le bohlotso bo boholo.	<b>0–3</b>  - Nehelano e totobatsa kgaello ya tsebo ya makgetha a mofuta ona wa tema. - moelelo o nyotobetswa ke ho kgera ho hoholo - Mehopollo le dikahare ha di na momahano. - Ke dintlha tse mmalwa haholo tse tshhehetsang sehlooho. - Ha ho na boiteko bo entsweng ho sebedisa sebopeho se nepahetseng.
<b>PUO, SETAELE LE HO HLAOLA DIPHOSO</b>  Sehalo, rejistarara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswa, matshwao a ho bala le mopeleto  <b>MATSHWAO A 10</b>	<b>9–10</b>  - Sehalo, rejistarara, setaele, le tlotlontswe di loketse ka ho fetisisa maikemisetso, baamohedi ba ditaba le maemo. - Tshebedisano ya puo e nepahetse e bile e bopehile hantle. - Nehelano ha e na diphoso.	<b>7–8</b>  - Sehalo, rejistarara setaele, le tlotlontswe di loketse ka ho fetisisa maikemisetso, baamohedi ba ditaba le maemo. - Ka kakaretso tshebediso ya puo ke e nepahetseng e bileng e bopehile hantle. - Tshebediso ya tlotlontswe e ntle haholo - Nehelano boholo ha e na diphoso.	<b>5–6</b>  - Sehalo, rejistarara, setaele le tlotlontswe di loketse maikemisetso, baamohedi ba ditaba le maemo. - Nehelano e na le diphoso tse itseng tsa tshebediso ya puo. - Tshebediso ya tlotlontswe ke e lekaneng. - Diphoso ha se tse nyotobetsang moelelo.	<b>3–4</b>  - Sehalo, rejistarara, setaele le tlotlontswe ha di a lokela maikemisetso, baamohedi ba ditaba le maemo hantle. - Tshebediso ya puo e fosahetse e bile e tletse diphoso tse ngata. - Tshebediso e seng kae ya tlotlontswe. - Moelelo o nyotobetse.	<b>0–2</b>  - Sehalo, rejistarara, setaele le tlotlontswe ha di dumellane le maikemisetso, baamohedi ba ditaba le maemo. - Nehelano e tletse diphoso e dubakane. - Tlotlontswe ha e dumellane le maemo. - Moelelo o nyotobetse haholo.
<b>MATSHWAO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

**KAROLO YA B: DITEMA TSA KGOKAHANO TSE TELELE  
 SENOTLOLO SA HO TSHWAYA:  
 SEKALA SA HO TSHWAYA DITEMA TSA KGOKAHANO  
 MATSHWAO: [25]**

<b>Makgetha a Tekanyetso</b>	<b>Matshwao</b>	<b>Senotlolo</b>
<b>Dikahare le Moralo ke Sebopeho Puo, Setaele le Tokiso ya diphoso</b>	<b>15</b>	<b>DMS =</b>
	<b>10</b>	<b>PST =</b>
<b>Matshwao ohle</b>	<b>25</b>	

**Ditaelo ho motshwai:**

- Mohlahlobuwa o lokela ho ngola ka dihlooho tse PEDI karolong ena.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
  - Mohlahlobuwa a abelwe matshwao bakeng sa dikahare ho ya ka kgato ya pele feela.
  - Mohlahlobuwa a abelwe matshwao a tshebediso ya puo ho fella kगतong ya pele feela.
  - Mohlahlobuwa a abelwe matshwao a sebopeho ho fella kगतong ya pele feela.

**Tataiso bakeng sa ho tshwaya ditema**

**Batshwayi ba etse tse latelang ha ba tshwaya:**

**Ho sehellwe lentse kapa polelo e fosahetseng mola ho be ho bontshwe mofuta wa phoso ka thoko ka tshebediso ya matshwao a latelang:**

- / bakeng sa ho arola mantse a ngotsweng a kopantswe empa a lokela ho arolwa;
- -,+ bakeng sa ho kopanya mantse a arotsweng empa a ngolwa a kopane;
- **Mn** bakeng sa mongolo (Orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotswe letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng/e sa amoheleheng kapa eo e seng ya setlwaedi;
- ^ bakeng sa lentse kapa karolwana ya lentse le/e siilweng pakeng tsa mantse a mang.
- // bakeng sa ho qala seratswana se setjha.